

HE JEBORE

Musik: J. Madaus-Brück; A. Gräser
Text: J. Madaus-Brück

Ich ston am Finster
un denk' aan Dich,
em Newel sinn' ich Die Jeseech
Ich han Dich verlore -
oder Du vielleicht mich,
doch naaks do dräume ich vun Dir

Dann ben ich mer sicher:
mer jehüre zosamme -
Du bes ming Stadt – he muss ich sin

**Denn ich ben he jebore -
Jo, ich ben he doheim –
Un et jitt kein andre Stadt,
nur he föhl' ich mich frei -
Jo, ich ben he jebore
un ich ben he zohuss
do wo ich mie Hätz verlore han**

Ich dacht' ich künnt ens
en Zick lang ohne Dich sin -
met andre Minsche öm mich 'röm
Doch ich han mich beloge,
wor total allein
un ming Heimat su unendlich fän

Jetz' ben ich mer sicher:
mer jehüre zosamme -
Du bes ming Stadt – he muss ich sin

Denn ich ben heee jebore ...

Jetz' ben ich mer sicher:
mer jehüre zosamme -
Du bes ming Stadt – he muss ich sin

Denn ich ben he jebore ...